

卷一百一十五

國朝文獻公集卷一百一十五

國朝文獻公集卷一百一十五

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

傳記

弘簡錄卷一百二十七

明刑部員外郎仁和弘齋邵經邦學

皇清翰林院侍講學士四世孫遠平校閱

侍從 宋四之四

孫奭 子瑜

邢昺

崔熙正

馮元

郭禎

趙師民

聶冠卿

錢象先

張揆

楊安國

父光輔

杜鎬

孫杞

丁度

燕肅

子度

劉夔

馬亮

子仲

洪湛

孫奭字宗古博平人徙須城幼與諸生師里中王徹徹死奭為

解析微指諸生驚服於是門人數百相率從之以九經及第為

官縣簿遷大理評事國子直講太宗臨幸召講書至事不師古

以克永世匪說攸聞喟然歎曰此至言也賜以五品服真宗時

除諸王府侍讀轉對上十事判太常禮院司農寺累遷工部郎中龍圖閣待制與以經術進用守道自重卽有所言未嘗阿附取悅大中祥符初得天書以問與對曰臣愚所聞天何言哉豈有書也將祀汾陰與陳十不可其一先王卜征五年歲習其祥祥習則行不習則增修德而改卜陛下始畢東封更議西幸殆非卜征五年慎重之義其二昔漢武先封中嶽祠汾陰始巡幸郡縣有事泰山今陛下既已登封不必復幸汾陰其三漢承秦故惟立五畤以祀天而后土無祀故祠汾陰自元成後遂徙汾陰后土祠於北郊今已建北郊乃捨之而遠祀汾陰非禮也其四西漢都雍去汾陰至近今不宜經越險阻遠違京師其五唐王業起自河東故明皇閒臨幸之因祠后土聖朝之興事與唐異其六周宣遇災而懼萬世稱聖比年水旱相繼不宜下狗姦

回遠勞民。庶其後四不可。大要言陛下民神之主。先成民而致力於神。今震雷在冬。爲異尤甚。此天意丁寧以戒陛下。乃欲勞民事神。神其享之乎。帝遣皇甫繼明就問。又上疏言。昔陳勝起於徭戍。黃巢出於凶饑。唐高祖因煬帝漫遊而興。耶律德光以少帝惑小人而入。是以先帝嘗議封禪。寅畏天災。尋詔停寢。今姦臣乃贊陛下以繼成先志。不思先帝嘗欲北平幽朔。西取繼遷。大勳未集。此之不圖。而反撰造祥瑞。假託鬼神。忘祖宗艱難之業。徇姦邪苟且之謀。臣所以長歎而痛哭也。會天下郡縣數有災變。又言古者五載巡守。有國之事。非必有紫氣黃雲。然後登封嘉禾異草。然後省方也。今野鵬山鹿。郡國交奏。秋旱冬雷。羣臣率賀。退而腹非竊笑者。比比皆是。孰謂上天爲可罔乎。大

年上將祀太清宮。真文疏言陛下每事慕效唐明皇。豈以爲今

德之主耶。明皇禍敗之迹有足爲深戒者。非獨臣能知之。近臣
皆知之。而不言者。此懷姦以事陛下也。臣願陛下早自覺寤。抑
損虛華。斥遠邪佞。不襲危亂之迹。無爲不及之悔。則天下幸甚。
帝以爲泰山汾陰之祀。非始於明皇。秦最無道。而官名詔令郡
縣。至今不改。開元禮。今見循用。不可因天寶禍亂。舉以爲非。作
解疑論。以示羣臣。然知真朴忠容之弗斥。久之以父老請歸。不
許。出知密州。居二年。入爲左諫議大夫。糾察在京刑獄。又請罷
天慶天祺天貺。先天降聖諸節。并天下齋醮。張燕浮費。不報復。
知河陽。求解官。就養。遷給事中。徙兗州。天禧中。又疏朱能姦僞。
小人妄言祥瑞。昔漢文成將軍僞爲帛書。天子識其手迹。坐誅。
本朝侯莫陳利用姦謀敗露。旋踵亦論死。明皇得王鉷田同秀
等所爲靈寶符。上清護國經寶券。顧不能顯戮。自謂德實動天。

神必福我。一旦變起。老君寧肯禦兵寶杵。安能排難耶。今朱能所爲。或類於此。未幾能果敗。又請減修寺度僧。帝雖未用其言。嘗令向敏中諭令陳時政得失。與以納諫。恕直輕徭薄歛。四事爲言。頗施行之。仁宗卽位。宰相請擇名儒以經術侍講。讀名爲翰林侍講學士。同修眞宗實錄。父憂起復。兼判太常寺及禮院。三遷兵部侍郎。龍圖閣學士。每講論至前世亂君亡國。必反覆規諷。上意或不在書。則拱默以俟。帝爲竦然改聽。嘗畫無逸圖上之。帝命張於講讀閣。勸帝每日御殿。以覽萬機。帝與太后愛重之。每進見。必加禮。三請致仕。詔敦諭之。與以年踰七十。固請泣下。帝爲惻然。詔與馮元講老子各賜帛。優拜工部尚書。復知兗州。留侍宴太清樓。近臣皆預。帝作飛白大字。賜二府而小字賜諸學士。獨與晁迥兼賜大小字。詔羣臣卽席賦詩。太后出。

禁中珍器勸酒入謝又命講老子賜襲衣金帶銀鞍勒馬行日
賜宴瑞聖園御製詩近臣皆賦以恭謝恩貺改禮部尚書太子
少傅致仕卒帝聞嗟歎久之罷朝贈左僕射諡曰宣奭性方重
事親篤孝父亡砥其面以代頰嘗掇五經切於治道者爲經典
微言五十卷又撰崇祀錄樂記圖五經節解五服制度奉詔校
定諸經正義莊子爾雅釋文考正尚書論語孝經爾雅謬誤及
音義初園丘無外墻五郊從祀不設席尊不施幕七廟時饗飲
福用一尊不設三登升歌不以雍徹冬至祀昊天上帝外級止
十七位不以星辰從饗先農在祈穀之前上下釋奠無三獻宗
廟不備二舞諸臣當諡者或旣葬乃請輿皆援古奏正咸著於
禮又請冬至罷祀五帝大雩設五帝龍昊天上帝事下有司議
不合而止子瑜字叔禮以廕爲將作監簿賈昌期薦轉崇文

檢討同知禮院開封判官使契丹適西方捷書至館伴要入賀
不肯行還加秘閣校理兩浙運使入辭仁宗訪其家世稱真大
儒久以道輔朕因賜金紫先是郡縣倉庾斗斛大小爲姦瑜奏
均其制黜吏之亡狀者民大喜徙知蔡州毀吳元濟像以事裴
度大水緣城掠入使囊沙數千捍其衝城得弗壞更相交灘單
四州累官工部侍郎卒年七十九爲人資性整敏齊家以嚴稱
善與人交一經受知終身不易所薦士有過或使自言始朝廷
錄真諸孫瑜不先已子以兄之孤先上時人多之

冊曰古稱直道真也庶幾全節完名舉世所希紛紛相列
何足望之

邢昺字叔明曹州濟陰人舉九經廷試日太宗召升殿講師比
二卦又問以羣經發題嘉其精博及第授大理評事知泰州鹽

城監監處楚泰閒泰僻而楚要鹽食爲急曷請改隸楚州從之
召爲國子監丞專講學之任遷尚書博士出知儀州代還賜緋
選爲諸王府侍講雍熙中遷水部員外郎賜金紫真宗遷司勳
郎中國子祭酒會置翰林侍講學士以曷爲之預校定九經義
疏成加階勳錫宴崇政殿賜衣帶器幣遷工部侍郎上幸國子
監閱庫書曷奏經傳正義板本大備士庶家皆藏有之斯乃儒
者逢辰之幸上喜曰國家雖尚儒術非四方無事何以及此上
方興起道術令舉經術該博德行端良者以廣學員又以曷宮
府舊僚召賜白金且詔其妻至宮庭賜冠帔曷自陳年老願給
假一年歸視田里俟明年郊祀還朝上命坐慰勞許權本州曷
又言楊礪夏侯嶠同爲府僚沒皆贈尚書上知其志意語宰相
卽超拜爲工部尚書知曹州入辭特開龍圖閣賜襲衣金帶召

遷臣宴崇和殿御製詩賜之曷視壁間尚書禮記圖指中庸凡
爲天下國家有九經陳其大義上嘉納之又令近臣祖送於宜
春苑東封表請車駕經由本州令濟陰令王範部送父老詣闕
優詔答之車駕進發命判留司御史臺俄進禮部尚書上勤政
憫農每雨雪不時憂形於色委曲訪之曷具田家陰晴豐凶狀
侯老農相傳者爲對又言小民四患水旱疫痢畜災歲必有一
但或輕或重耳四事之害旱災爲甚蓋田無畎澮所損必多上
多採納有疾詔太醫診視特恩臨問賜名藥白金器幣卒年七
十九贈左僕射有所撰禮選二十卷太宗作贊賜之至文王世
子篇因問衛紹欽曷爲諸王講說會及此乎紹欽曰諸王常時
訪問經義曷每至發明君臣父子之道必重復陳之上益喜在
東宮及內庭侍上講孝經禮記論語書易詩春秋左氏傳據疏

敷衍之外多引時事爲喻。潑被嘉獎。真宗嘗問文王以憂勤損壽。武王以安樂延年。曷對以本經旨意。必不然。且夏禹焦勞而享國。若文王不自暇逸。縱無感應。豈至虧損壽命耶。初王欽若以知貢舉受賂有狀。詔曷等覆推曷力辯之。故欽若潑以爲德。曷厚被寵顧。與有力焉。兄素舉進士。得贈大理評事。二子俱被錄用。仲寶至三司判官。祠部郎中。若思駕部郎中。

崔熙正封丘人。與弟偓佺並登進士。明經術。熙正雍熙中爲高密尉。秩滿。孔維薦之。改國學直講。遷殿中丞。太宗召見。說莊子一篇。賜錢五萬。判監李至上言。先校定諸經音疏。其閒文字紕繆。尚多。深慮未副。仁君好古。誨人之意。蓋前所遣官多專經之士。或通春秋者。未習禮記。習周易者。不通尚書。至於旁引經史。皆非素所傳習。以是未得周詳。伏見熙正偓佺苦心彊學。博貫

九經問義質疑有所依據。望令重加刊正。冀除舛謬。從之。咸平初。至方叅政。真宗訪達經義者。復以兄弟爲言。上曰。朕宮中無事。樂聞講誦。翼日召於苑中。說尚書大禹謨。賜以牙緋。自是日令赴御書院待對。說尚書至十卷。自陳年老步趨艱蹇。表求致仕。上命坐。問恤賜以器幣。俸侔淳化中。歷福州。連江尉。判國子監。除爲直講。引對。使坐。咸平二年。上幸國學。召說尚書。賜緋。後令講道經。日於崇文院候對。終篇。賜以白金。繒綵。兄弟皆七十。九而卒。嘗撰帝王手鑑十卷。并注曹唐大遊仙詩十五卷。子世安。上之特賜出身。

馮元字道宗。高祖禧。唐末官廣州。以術數仕。劉氏傳三世。至父邴入朝。爲保章正元。幼從崔熙正。孫奭爲五經大義。與樂安孫質。吳陸參。譙夏侯圭。號四友。羣居講學。達旦不寢。登進士。授江

陰尉時詔取明經者補學官元自薦通五經更問疑義辨析無
 滯補國子直講遷大理評事崇文館檢討王旦聞其名薦之嘗
 令說論語老子羣弟子侍聽既乃尤精於易夢一異人與紺蓮
 華使吞之曰善讀此後必大顯真宗召講易泰卦因進說地天
 爲泰者以天地之氣交也君道至尊臣道至卑惟上下相與則
 可以輔相天地裁成萬化帝悅遷太子中允直龍圖閣詔預內
 朝直閣預內朝始此天禧初講易於宣和門北閣遷太常丞兼
 判吏部南曹擢左正言仁宗開資善堂兼太子右諭德資其經
 術益向學卽位遷戶部員外郎爲直學士兼侍讀歷會靈觀副
 使知通進銀臺司尋判登聞檢院與與並命判國子監士議悅
 服同知貢舉進龍圖閣學士預修三朝正史改翰林學士史館
 修撰判都省三班院并流內銓又兼羣牧使遷給事中明道元

年監護宸妃葬事後因發壙流泉沮洳罷知河陽王曾言東朝舊臣不宜以細故棄外卽召爲侍講學士遷禮部侍郎知審官院復判禮院上金華五箴賜書褒答受詔修景祐廣樂記書成遷戶部侍郎以足疾卒贈本部尚書諡章靖生平多識古今臺閣品式之事質性簡厚不務聲名非慶弔未嘗過謁二府執親喪自括髮至祥練悉倣古禮不爲世俗齋薦遇祭日與門生誦說孝經無子以兄之子諱爲後

郭禎字仲徽祥符人世寓鄭州登進士爲河南主簿陳堯咨知大名辟簽書判官事改大理寺丞孫奭馮元奏禎學問通博他莫能及除國子直講薦試學士院爲集賢校理元知河陽又辟爲通判徙河南入爲三司度支戶部判官累遷刑兵二部員外郎同修起居注康定元年使契丹告用兵西鄙厚加禮貌還知

制詔判吏部流內銓擢龍圖閣直學士權知開封卒頑性和易
文思敏贍刻意詞賦好用經語對頗近於諧聚古書畫不計其
貲購求之幼孤母邊氏更嫁士人王渙生四子母亡禎請解官
服喪知禮院宋郊言爲過禮乃下有司博議用馮元等奏聽解
官心喪語在禮志

趙師民字周翰臨淄人九歲能文學問精博第進士調諸城簿
孫奭辟爲說書自以爲不及夏竦尤愛重之論其文行稱爲盛
德君子除青州教授改齊州更天平軍節度推官年五十來京
師近臣張觀等列薦任國子直講兼潤冀二王宮教授歷著作
佐郎崇文院檢討崇政殿說書宗正寺簿并丞會趙元昊反罷
進講師民上言帝王治經與臣庶異不獨玩空文占古語也今
西方稍有事臣等卽不復見是以先生典籍可講於無事之時

不足以贊有爲之世。臣愚以爲過矣。仁宗嘉納之。因陳十五事。曰。咨輔相。命將帥。揀侍從。擇守宰。治軍旅。修邊防。求諫諍。延講誦。革貢舉。久官政。謹財用。容誹謗。除忌諱。慎出令。又獻勸講箴。四年春。上御迎陽門。召邇臣觀圖畫。復命講經史。遷天章閣侍講。同知貢舉。進待制。同判宗正寺。在經筵十餘年。甚見器異。嘗講詩如彼流泉曰。水之初出。喻王政之發。順行則通。通故清潔。逆亂則壅。壅故濁敗。賢人用。則王政通。而世清平。邪人進。則王澤壅。遏而世濁敗。幽王失道。用邪紂。正不勝邪。雖有善人。不能爲治。亦將相牽而淪於汚濁也。帝問水何以喻政。對曰。水順行而潤下。利萬物。故以喻政。此於比興義最大。後講論語修文德曰。文者經天緯地之總稱。君人之道。撫之以仁。制之以義。接之以禮。講之以信。皆是然所先者。又無若信。信者。君人之大本。

仁義禮樂皆必由之。此實至道之要。復問鑽燧改火曰古之聖王舉動必順天時。所以四時變火各隨本色。近世漸務苟簡。以爲非治具而遂廢之。至其萬事皆不如古。又問子夏子張所言交道孰勝曰聖哲之道合覆廣大與天地參。善者有以進德。惡者俾之改行。子張之言爲優。他日讀漢記問長安城衆莫能知。師民因陳自古都雍。年世舊址所在。若書諸掌。帝悅曰何其所記如此。偶盛夏屬疾。帝飛白書團扇。爲和平字。賜以寄意。累請補郡。除龍圖閣直學士。知耀州。御寫詩寵行上。以儒林舊德。目之將行。疏曰近觀太陽食於正朔。其月在亥。亥爲水。水爲正陰。其日在丙。丙爲正陽。詩曰十月之交。朔日辛卯。謂以陰奸陽。失其叙也。曰百川沸騰。山冢峩崩。高岸爲谷。深谷爲陵。謂下陵上侵其權也。至皇甫卿士番惟司徒家伯冢宰中允膳夫聚子內